



ATASSUT

UPA 2016/95

Siverth K. Heilmann

09. 05. 2016.

Suliffeerunnermi ikiorsiissutinik ullut 14-kkaarlugit tunniunneqartartunik pisartagaqartut, ulluni suliffiusuni tulleriinni marlunni pisartakkaminnik ilannganneqartarunnaarnissaat siunertaralugu, Naalackersuisut Ukiakkut Ataatsimiinnermi 2017-imi, Suliffeerunnermi ikiorsiissutit pillugit inatsisartut inatsisaannut nr. 2, 15. maj 2014-imeersumut, allannguutissamik siunnersuuteqaqquneqarnissaannik aalajangiiffigisassatut siunnersuut.

(Inatsisartunut ilaasortaq Agathe Fontain, Inuit Ataqtigiit)

Aallaqqaammut inatsisartunut ilaasortaq Agathe Fontain, Inuit Ataqtigiit siunnersuuteqarninnut qujanaq imatullu naatsumik ATASSUT-miit oqaaseqarfigissavarput.

Siunnersuuteqartup aalajangiiffigisassatut siunnersuutaa tunngavilersuutaalu ilumoortortalerujus-suupput, tassami illoqarfinni pingaartumillu nunaqarfinni nalinginnaasorujussuusarpoq 2-tiimiin-narnik suliffeqartarneq paalaasuusarnerluunniit.

ATASSUT-miit inuit ikiorsiissutinik pisariaqartitsisut inatsisitigut illersugaanerit malillugu naleqqussaanerillu aqqutigalugit ikiussavagut, ataavartumilli suliffissaqarnissaq, sulinerullu kajuminnartuujarnissaat anguniarneqartuartariaqarnera, aqqutissatut pitsaaneqarpatullu aqqutissiunneqartuarnissaat qularutigineqassanngilaq.

Siunnersuuteqartup allannguinnissamik siunertaqarluni aalajangiiffigisassatut siunnersuuteqarnera paasinarluarpoq, taamaattorli aamma Naalackersuisuniit itigartitsinissamik innersuussuteqaatiga-luni oqaatigineqarpoq, suliniutigineqartoq inatsisip nalilersoqqinnissaa inatsisartut katersuunnis-saannut upernaakkut 2017-imi pisussami.

Inatsisartuni piumassuseqarfigineqarpat, ATASSUT-miit inassutiginarparput, suliaq kivisiinnar-neqarani siunnersuutip aappassaaneerineqarnissaa, upernaqqinnissaanut Naalackersuisullu saqqummiussaqaarnissaannut kaputartuullugu nalilersorneqassasoq.

Taamatut oqaaseqarluta, siunnersuut, Naalackersuisullu akissuteqaataat ATASSUT-miit isummerfigaarput.

Qujanaq